



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

«14» փետրվարի 2017թ.

№ 646-Ն

ՀՐԱՄԱՆ

«ՎԻՎԱՌՈՒ ԲԵԹԻՆԳ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՆԿԱՏՄԱՄԲ ՈՐՊԵՍ ՊԱՏԱՍԽԱՆԱՏՎՈՒԹՅԱՆ ՄԻՋՈՑ ՆԱԽԱԶԳՈՒՇԱՅՈՒՄ ԵՎ
ՏՈՒԳԱՆՔ ԿԻՐԱՌԵԼՈՒ ՄԱՍԻՆ

Համաձայն «Վիվառո Բեթինգ» սահմանափակ պատասխանատվությամբ ընկերության նկատմամբ Հայաստանի Հանրապետության ֆինանսների նախարարությունում 2017թ. դեկտեմբերի 04-ի թիվ 24-2/22552-17 գրությամբ հարուցված վարչական վարույթի նյութերի և Հայաստանի Հանրապետության ֆինանսների նախարարի 2017թ. հոկտեմբերի 10-ի թիվ 504-Ա և 2017թ. հոկտեմբերի 27-ի թիվ 537-Ա հրամանների հիման վրա Հայաստանի Հանրապետության ֆինանսների նախարարության կողմից իրականացված «Վիվառո Բեթինգ» սահմանափակ պատասխանատվությամբ ընկերությանը Հայաստանի Հանրապետության ֆինանսների նախարարության կողմից 2008թ. նոյեմբերի 21-ին տրված թիվ ՎԽ-020 վիճակախաղի կազմակերպման լիցենզիայի պայմանների և պահանջների կատարման ստուգման արդյունքում 2017թ. դեկտեմբերի 01-ին կազմված թիվ ՎԽ-03 ակտի՝ «Վիվառո Բեթինգ» սահմանափակ պատասխանատվությամբ ընկերությունը կատարել է «Փողերի լվացման և ահաբեկչության ֆինանսավորման դեմ պայքարի մասին» Հայաստանի Հանրապետության օրենքի 23-րդ հոդվածի 1-ին մասով սահմանված պահանջի խախտում, ինչպես նաև «Վիճակախաղերի մասին» Հայաստանի Հանրապետության օրենքի 5-րդ հոդվածի 1-ին մասի «բ» կետի պահանջի խախտում՝ չորս դեպքով:

«Վիվառո Բեթինգ» սահմանափակ պատասխանատվությամբ ընկերության կողմից նախկինում այդպիսի խախտում թույլ տրված լինելու հիմքով Հայաստանի

Հանրապետության ֆինանսների նախարարի 2017թ. հուլիսի 11-ի թիվ 343-Ա հրամանով «Վիվառո Բեթինգ» սահմանափակ պատասխանատվությամբ ընկերության նկատմամբ կիրառվել է «Վիճակախաղերի մասին» Հայաստանի Հանրապետության օրենքի 14-րդ հոդվածի 2-րդ մասի «բ» կետով նախատեսված պատասխանատվության միջոցը:

Վերոգրյալի հիման վրա ղեկավարվելով «Փողերի լվացման և ահաբեկչության ֆինանսավորման դեմ պայքարի մասին» Հայաստանի Հանրապետության օրենքի 30-րդ հոդվածի 4-րդ մասի 13-րդ կետով, «Վիճակախաղերի մասին» Հայաստանի Հանրապետության օրենքի 14-րդ հոդվածի 2-րդ մասի «բ» կետով և 14-րդ հոդվածի 3-րդ մասով, Հայաստանի Հանրապետության կառավարության 2008թ. մայիսի 18-ի թիվ 503-Ն որոշման 2-րդ կետի 1-ին ենթակետով հաստատված Հայաստանի Հանրապետության ֆինանսների նախարարության կանոնադրության 11-րդ կետի 4-րդ ենթակետի դրույթներով.

Հ Ր Ա Մ Ա Յ ՈՒ Մ Ե Մ

1. «Փողերի լվացման և ահաբեկչության ֆինանսավորման դեմ պայքարի մասին» Հայաստանի Հանրապետության օրենքի 23-րդ հոդվածի 1-ին մասի պահանջը խախտելու համար «Վիվառո Բեթինգ» սահմանափակ պատասխանատվությամբ ընկերության նկատմամբ, որպես պատասխանատվության միջոց կիրառել նախազգուշացում:
2. Սահմանել 15-օրյա ժամկետ «Փողերի լվացման և ահաբեկչության ֆինանսավորման դեմ պայքարի մասին» Հայաստանի Հանրապետության օրենքի 23-րդ հոդվածի 1-ին մասի պահանջի կատարումն ապահովելու համար:
3. «Վիճակախաղերի մասին» Հայաստանի Հանրապետության օրենքի 5-րդ հոդվածի 1-ին մասի «բ» կետով սահմանված պահանջը խախտելու համար «Վիվառո Բեթինգ» սահմանափակ պատասխանատվությամբ ընկերության նկատմամբ նշանակել տուգանք մեկ միլիոն չորս հարյուր հազար Հայաստանի Հանրապետության դրամի չափով:
4. Նշանակված տուգանքը ենթակա է վճարման Հայաստանի Հանրապետության պետական բյուջեի գանձապետական 900005024162 հաշվեհամարին:
5. Նշանակված տուգանքը սույն հրամանն օրենքով սահմանված ժամկետում անբողոքարկելի դառնալուց հետո՝ ամբողջությամբ կամ մասամբ վճարված չլինելու դեպքում, ենթակա է հարկադիր կատարման Հայաստանի Հանրապետության

օրենսդրությամբ սահմանված կարգով և ժամկետներում՝ Հայաստանի
Հանրապետության ԱՆ ԴԱՀԿ ծառայության միջոցով:

6. Սույն հրամանը կարող է բողոքարկվել վարչական կարգով՝ այն ուժի մեջ մտնելու
օրվանից երկամսյա ժամկետում կամ Հայաստանի Հանրապետության վարչական
դատարան:

7. Սույն հրամանն ուժի մեջ է մտնում «Վարչարարության հիմունքների և վարչական
վարույթի մասին» Հայաստանի Հանրապետության օրենքի 59-րդ հոդվածով
սահմանված կարգով՝ իրազեկելուն հաջորդող օրվանից:

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ա. ԶԱՆԶՈՒՂԱԶՅԱՆ